


# Asinga yn de Suorein by Grou biwenne troch Berend Smeding

Sa't ik foarige wike al skreaun ha,  
wie Asinga súnt de berte fan dokter  
Schoustra gáns foaroare. Doe't hy in  
skoftke yn de keamer sitten hie, sei  
hy: „dér moat it bedsté west hawwe  
hwér't ik berne bin”, mar ek dat wie  
der net meer.

Mar nou fierder oer de pleats.

Asinga is in stjelp mei in bygebou  
den njonken dat foarhinne foar in  
part as simmerforbluw tjinist die en  
yn it oare diel stie de tsjermole. De  
hear Smeding brúkt 66 poumsmiet lán,  
hwérfan 56 poumsmiet eigendom is en  
fan dizze 56 poumsmiet leit der 50  
poumsmiet by it hús en der wurdt 10  
poumsmiet byhierd. Smeding melkt 32  
kij en hálldt noch 10 hokkelingen.

Yn de floreen- en stimkohieren fan  
Grou komt Asinga foar by nú 9 mei 80  
poumsmiet floreenplichtich lán en  
rjocht op ien stim.



## Lán, folk en pleats

Earder eigeners en brúkers hawwe  
west:

1640 Abraham van Roorda en syn  
broers bern eigeners.

1698 Ritmeester Pandra tot Deventer  
eigenner en Sjoerd Gabes brúker.

1708 Erven Ritmeester Pandra eigeners  
en selde brúker.

1718-1738 Selde eigeners en Carst  
Wijbrens brúker.

1748 De hear A. C. van Scheltinga  
eigenner en Carst Wijbrens brúker.

1758 Deselde eigenner, mar nou sún-  
der stim. Dizze wie eigendom fan Atje  
Bruinsma; brúker Carst Wijbrens.

1768 Grytman C. van Scheltinga  
eigenner, stim as yn 1758 en brúker  
Tjerk Rintjes.

1778 Grytman C. van Scheltinga;  
widd. Van Sloterdijk en mefr. Geert-  
sma geb. Bourboom eigeners en Tjerk  
Rintjes brúker.

1778 Grytman van Scheltinga eigen-  
ner en Tjerk Rintjes brúker.

1798 Old Grytman van Scheltinga  
eigenner en Tjerk Rintjes brúker.

1818 Ph. Vegelin van Claerbergen  
eigenner en Oege T. de Jong brúker.

1828 As yn 1818.

1838 As yn 1828.

1848 Ph. E. A. Vegelin van Claer-  
bergen fruchtbrúker en Mr. C. Berg-  
sma mei erven P. Bergsma eigeners  
en D. J. de Groot brúker.

1858 Petrus Andreus Bergsma eigen-  
ner en Durk Jans de Groot brúker.  
Oant safier de floreenkohieren.

Hoelang Durk Jans de Groot der  
wenne hat kin ik net fortelle. Wol wit  
ik dat letter Durk Herres Hooghiem-  
ster, dy't nei ik miende mei in  
Boersma trouw wie, der wenne hat.  
Dizze Durk Herres wie in echte  
hynsteleafhawwer en die noch al  
hwat aan hurddraven. Letter hie hy  
in winkel yn Jirnsum; ik miende in  
filiaal fan Boersma's winkels. Dizze  
Boersma wie nei't ik mien in sweager  
fan him, mar dat kin ik net mei  
wissichheit sizze.

Durk Herres is der yn 1895 wei gien  
en is doe opfolge troch Sijbren  
Schoustra dy't troude mei Aaltje  
Statema. Dit wienen de heit en mem  
fan dokter Schoustra.

Schoustra hat der oan 1910 ta  
wenne. Neffens it forhael fan dokter  
sieten der oeral swiere skoattels op de  
doarren en sa sei hy, dat skynde ek  
wel nedich to wézen, hwant yn ús heit  
syn tiid is der twa kear ynbrutsen. De  
earste kear kaem ús heit harren oer it  
mat en binne se neat kwyt rekke en  
de twadde kear is der ynbrutsen yn  
de simmerwente hwér't de kast fan de  
faem en de kiste fan de feint stienien.  
Hjir slagge it better, allinne spitich  
foar de ynbrekker(s) dat de boere-  
fammen en feinten yn dy tiden gijn  
greate bidragen om hammen hienien,  
sadat de bút net great west hat. De  
dieder(s) binne, al hoe't de gemeente-  
polysje syn best ek dien hat en mei  
tomstok fuotspoaren opmetten hat.  
nea foun.

Dat der yn dy tiid noch in mole by  
de pleats wie wist dokter ek noch wol,  
mar dizze is ófbrutsen doe't it Wetter-  
skip „De Leppedyk” ta stán kommen  
is.

Sijbren Schoustra hat der oant 1910  
ta wenne en is doe opfolge troch Otte  
Bouma en Heeubeltje van der Meer  
en dy binne wer opfolge troch Ype  
Schoustra ~~hat der oant 1910 ta~~  
Dizze Schoustra hat der oant 1932 ta  
wenne. Ik tink dat doe de pleats  
forkocht is en doe binne eigener en  
biwenner wurden Melle A. Smeding  
en Trijtje Postma. Se hawwe der 10  
jier buorke en doe it spul oerdien aan  
harren soan, Berend Smeding, trouw  
mei Ynskje de Haan.

Doe't ik dy namme hearde, sei ik:  
dan koenen wy wol ris famylje wéze  
hwant myn pake syn twadde vrou har  
namme wie ek Ynskje". Doe't wy  
efkes troch praten kaem it út dat wy  
neef en nicht wienen. Sa sjucht men  
soms dat de wráld mar lyts is.

It twadde geslacht Smeding is dér  
nou boer en in soan helpt mei yn it  
bidriuw, sadat de kåns bistiet dat hjir  
in bón aan it groeien is fan meer  
geslachten.

d. H.